



Áhersluverkefni
Sóknaráætlunar Vestfjarða
2023

Efnisyfirlit

Ímynd, uppbygging og fjárfestingar á Vestfjörðum	4
Ungmennalýðræði á Vestfjörðum	4
Menntastefna - eftirfylgni.....	5
Úrgangsmál og hringrásarhagkerfið á Vestfjörðum	5
Markaðssetning ferðapjónustu.....	5
Svæðisskipulag Vestfjarða	6
Blámi	6

Áhersluverkefni 2023

Áhersluverkefni eru þróunarverkefni, sem unnin eru af starfsmönnum Vestfjarðastofu eða öðrum einstaklingum eða stofnunum á svæðinu sem hafa gert samning við Vestfjarðastofu um verkefni. Verkefnin eru fjármögnuð sem hluti af Sóknaráætlun Vestfjarða 2020-2024 og skulu áhersluverkefnin taka tillit til áherslna og markmiða hennar.

Tafla 4: Áhersluverkefni 2023

Heiti verkefnis	Framlag (þ.kr.)			Markmið	Tímabil
	Sóknaráætlun	Mótframlag	Samtals		
Ímynd, uppbygging og fjárfesting á Vestfjörðum	10,000,000	30,000,000	40,000,000	Að kynna fjárfestingarmöguleika á Vestfjörðum ásamt að laða að nýja fjárfesta. Að tengja kynningar við aðgerðir tengdar ímynd samfélags og atvinnulífs á Vestfjörðum í samstarfi við sveitarfélög og fyrirtæki. Ýta undi aukna uppbyggingu íbúðarhúsnæðis, gistingu og afþreyingu í ferðaþjónustu.	2023-2024
Ungmennalýðræði á Vestfjörðum	2,000,000	1,000,000	3,000,000	Að skapa vettvang til að stuðla að aukinni lýðræðisþátttöku og -þekkingu ungmenna á Vestfjörðum. Í því felst að styðja við ungmenningaráð sveitarfélaganna, stuðla að auknu samstarfi ungmenna innan fjórðungsins og að stofnað verði ungmenningaráð Vestfjarða sem haldi árlega ungmennaping Vestfjarða.	2023-2024
Menntastefna fyrir Vestfirðir - eftirfylgni	3,000,000		3,000,000	Að ljúka vinnu og fylgja eftir vinnu við Menntastefnu Vestfjarða.	2023
Úrgangsmál og hringrásarhaagkerfi á Vestfjörðum	5,000,000	5,000,000	10,000,000	Að móta stefnu fyrir Vestfirði um úrgangsmál og hringrásarhaagkerfi. Að unnin verði svæðisáætlun um úrgangsmál á Vestfjörðum	2023
Markaðssetning ferðaþjónustu	10,000,000	10,000,000	20,000,000	Lenging ferðamannatímabilsins á Vestfjörðum. Þróun ferðaleiðar - Vestfjarðaleiðin. Auknar fjárfestingar í ferðaþjónstu á Vestfjörðum.	2023-2024
Svæðisskipulag Vestfjarða	1,756,448	6,843,552	8,600,000	Vinna við gerð Svæðisskipulags Vestfjarða. Vinna hófst í sept 2023	2023-2026
Blámi	7,500,000		7,500,000	Að efla nýsköpun og þróun á orkuskiptaverkefnum	2021-2023
	39,256,448				

Ímynd, uppbygging og fjárfestingar á Vestfjörðum

Á sama tíma og mikil uppbygging er á Vestfjörðum er opinber orðræða gagnvart helstu atvinnugreinum oft á tíðum mjög neikvæð sem gæti ýtt enn undir neikvæða heildarmynd af landsvæðinu. Mikilvægt er að vekja athygli á helstu eiginleikum þeirrar uppbyggingar í atvinnulífi sem á sér stað og draga fram hvernig nýjar atvinnugreinar í örum vexti sinna samfélagsábyrgð og náttúruvernd í samvinnu við sveitarfélög og íbúa. Settur verður upp nýr vefhluti InWest á vef Vestfjarðastofu þar sem áhersla er lögð á tækifæri til fjárfestinga á Vestfjörðum. Ítarefni verður unnið til að fylgja eftir verkefnum. Markvisst unnið að því að auka vitund fjárfesta um möguleika á Vestfjörðum og unnið með Íslandsstofu að því að kynna tækifæri á Vestfjörðum fyrir erlendum fjárfestum. Málþing verður einnig haldið um Uppbyggingu og atvinnulíf á Vestfjörðum. Verkefnið er til tveggja ára.

Ungmennalýðræði á Vestfjörðum

Fyrsta Ungmennanæðingin var haldið 2022 með frábærum árangri. Þar hófst vinna að því að stofna ungmennaráð. Áfram verður unnið að stofnun ungmennaráð Vestfjarða með skýr tengsl við stjórn Fjórðungssambands Vestfjarða og starfsmenn Vestfjarðastofu.

Ungmennaráðinu yrði falið að undirbúa og skipuleggja næsta ungmennanæðing og funda 4 sinnum á ári um málefni Vestfjarða.

Ungmennaráð Vestfjarða yrði vettvangur þar sem fulltrúar frá öllum svæðum Vestfjarða koma saman og fá tækifæri til að koma sínum skoðunum á framfæri og er jafnframt vettvangur sem hægt er að leita til til að ná fram sjónarmiðum ungmenna á svæðinu við hina ýmsu stefnumótun og ákvarðanatöku. Ungmennanæðing er vettvangur þar sem ungt fólk kemur saman og ræðir málefni sem brenna á þeim. Mikilvægt er að ungt fólk fái vettvang til að koma skoðunum sínum á framfæri um þau mál sem á þeim brenna enda hefur sýnt sig að það að fá að taka þátt í lýðræðislegum ferlum er besta leiðin til að auka þátttöku ungmenna.

Niðurstöðum ungmennanæðings verður komið á framfæri með fjölbreyttum hætti bæði til sveitarstjórnarmanna, hins opinbera og almennings og verður jafnframt stuðlað að eflingu samstarfs ungs fólks á Vestfjörðum, bæði innan landshlutans sem og við aðra landshluta. Leitast verður eftir því að styðja við og/eða eiga frumkvæði að samstarfsverkefni sem miðar

að þátttöku ungs fólks og sækja í sjóði á sviði æskulýðsmála í því skyni. Verkefnið er til tveggja ára.

Menntastefna - eftirfylgni

Unnið var að gerð Menntastefnu Vestfjarða árið 2022 og söfnun gagna og greining aðgerða hefur verið unnin. Eftir á að halda lokafundi aðgerðarhóps og móta lokaskref verkefnisins. Að því loknu er hægt að senda Menntastefnu til allra sveitarfélaga til samþykktar og úrvinnslu.

Úrgangsmál og hringrásarhagkerfið á Vestfjörðum

Markmið með verkefninu er að móta stefnu fyrir Vestfirðir um úrgangsmál og hringrásahagkerfi. Einnig að unnin verði svæðisáætlun um úrgangsmál á Vestfjörðum.

Lögum samkvæmt þurfa sveitarfélög að semja og staðfesta áætlun um meðhöndlun úrgangs fyrir viðkomandi svæði. Í þeirri áætlun skal gera grein fyrir hvernig sveitarfélögin hyggjast ná markmiðum stefnu umhverfis- orku og loftslagsráðuneytis í úrgangsmálum. Svæðisáætlun um úrgangsmál er brýnt verkefni fyrir Vestfirði sem leysa þarf hratt og vel á árinu 2023.

Markaðssetning ferðapjónustu

Markaðssetning og kynning Vestfjarða hefur síðustu ár skilað árangri til dæmis í viðurkenningu Lonely Planet fyrir árið 2022 þar sem Vestfirðir voru í efsta sæti yfir áhugaverð svæði til að heimsækja það ár. Halda þarf áfram þeirri vinnu og nýta tækifærin sem slík viðurkenning veitir.

Mikill áhugi er nú á Vestfjörðum sem mikilvægt er að nýta til að hvetja til aukinna fjárfestinga í gistingu og afþreyingu á svæðinu sem verður mikilvæg áhersla næstu tvö árin þar til lokið verður við stór samgönguverkefni sem bæta mjög aðgengi að svæðinu.

Lögð verður áhersla á þátttöku ferðaþjónustufyrirtækja í markaðssetningu Vestfjarða og þau í auknum mæli hvött til að taka þátt í sýningum og til aðkomu að ferðum blaðamanna og áhrifavalda um svæðið.

Markaðsstarf erlendis og móttaka blaðamanna verður áfram unnin í samstarfi við Íslandsstofu.

Áfram verður lögð mikil áhersla á samfélagsmiðla og stafrænar lausnir í markaðssetningu svæðisins. Verkefnið er til tveggja ára.

Svæðisskipulag Vestfjarða

Gerð svæðisskipulags fyrir Vestfirði, byggir á ályktun 67. Fjórðungssþing Vestfirðinga að hausti, í september 2022, en þar er beint tilmælum til stjórnar Fjórðungssambands Vestfirðinga að láta hefja vinnu við gerð svæðisskipulags fyrir Vestfirði hið fyrsta.

Verkefnið er unnið samkvæmt ramma Skipulagslaga 123/2010 og Skipulagsreglugerðar 90/2013. Það hófst 2023 með skipan svæðisskipulagsnefndar sveitarfélaga sem standa skipulagsgerðinni (Svæðisskipulagsnefnd Vestfjarða) og útboði á vinnu skipulagsráðgjafa.

Með ráðningu skipulagsráðgjafa í byrjun árs 2024 verður unnin lýsing svæðisskipulags sem staðfest verður að hálfu sveitarfélaga og hefst þá vinna við gerð skipulagsins sem ætlað er ljúka í apríl 2026, með staðfestingu Skipulagsstofnunar. Fjórðungssamband Vestfirðinga verður verkefnisstjóri og leggur til starfsmann svæðisskipulagsnefndar samkvæmt samningi við Vestfjarðastofu. Verkefnið er til ársins 2026

Blámi

Um er að ræða samstarfsverkefni Landsvirkjunar, Vestfjarðastofu, Fjórðungssambands Vestfirðinga og Orkubús Vestfjarða. Afurð er stofnun félagsins Bláma en skrifað var undir samstarfssamning þann 15. desember 2020.

Meginmarkmið Bláma er að efla nýsköpun og þróun orkuskiptaverkefna. Með orkuskiptum er átt við að auka hlut vistvæns eldsneytis, vetnis og rafeldsneytis í samgöngum og iðnaði. Markmiðið er að ýta undir orku- og loftslagstengda nýsköpun, efla frumkvöðla og styrkja nýsköpunarumhverfið á Vestfjörðum. Ætlunin með Bláma er að leiða saman aðila sem geta unnið saman við það að afla alþjóðlegs fjármagns til tilrauna, rannsókna og þróunar á orkuog loftslagsvænum lausnum. Með nýjum tækifærum og auknu samstarfi á milli

fyrirtækja og opinberra aðila er hægt að ýta undir að verkefni og tækifæri sem skapast á svæðinu þróist í átt að hringrásarhagkerfi, þar sem verðmætasköpun úr vannýttu hráefni er aukin, bæði úr því sem er til staðar og því sem verður til vegna nýrra verkefna eða framleiðslu.